

ILLVSTRISSIMO
 CLEMENTISS. & PRINCIPI
 IOANNI VVILHELMO,
 DVCI IVLIACENSI, CLIV
 VENSI, & MONTENSI, COM.
 MARCHIAE & RAVEN
 SPVRGI, DOM. IN
 RAVENSTEIN, &c.
 I VNIOR.

DOMINO SVO CLEMENTISS.



MAGNUM & operosum instituenti opus, PRINCEPS ILLVSTRIS-
 SIME, id mihi contigit, quod mediocris fortunæ honesto ciui com-
 modam splendidamque habitationem sibi paranti euenire solet,
 nimirum, quando aut impensarum excessus, aut ædificij cõcepti dif-
 ficultas in complures annos operam prorogat, id in primis curat, vt
 quibus pro sustentanda familia statim est opus, ædificet, veluti sunt
 culina, penu, cubicula, cisternæ, aut putei aquarum perennium. reli-
 qua quæ ad hospitalitatem, ad vitæ iocunditatem, ad decus & ma-
 gnificentiam spectât, vt sunt porticus, exedre, aule, cœnacula, trille-
 ga, deliciarum horti, & pomeria, successu temporis pro rerum oportu-
 nitate & commoditate, iuxta ichnographiæ totius operis primum delineatæ normam astruit.
 Ita & ego cum totius orbis descriptionem meditarer, exigebat quidem operis distributio & or-
 do, vt primum de mundi fabrica, dispositioneque partium in vniuersum, deinde, de cœlestium
 corporum ordine & motu, tertio de eorundem natura, radiatione, & operantium confluxu, ad
 veriore astrologiam inquirendam, quarto de elementis, quinto de regnorum & totius terræ
 descriptione, sexto de Principum à condito mundo genealogijs, ad emigrationes gentium, & pri-
 mas terrarum habitationes, rerumque inuentarum tempora & antiquitates indagandas, tracta-
 rem. hic enim rerum naturalis est ordo, qui causas & origines rerum facillè demonstrat, & ad
 veram scientiam sapientiamque optimus dux est. Verùm quia in meos solius humeros hæc fa-
 brica incumbit, nec aliorum opera (exceptis, qui tabulas in æs incidunt) ad hanc perficiendam
 vti possum, quemadmodum qui ædificat cementariorum, fabrorum, aliorum manibus ab-
 soluit omnia, præterea nec sculptorum tanta suppetit copia, vt paucis annis institutum opus per-
 fici queat, necessitate adactus fui, ex medio operis ædendi initium facere, neque porro iustum
 erat, etiamsi vsque ad consummationem totius suppressere potuissem omnia, studiosos eius par-
 tis, quam nunc absoluissem, vsu priuare. Quamobrem eas nouæ Geographiæ quam nunc paro,
 tabulas, quibus hac tempestate Reipub. me maximè seruiturum existimaui, nimirum Galliæ &
 Germaniæ, primùm parandas euulgandasque iudicaui, in quibus etiam diligentem nauaui ope-
 ram, vt ad rationem, & iustam symmetriam redigerem omnia, quantum ex obseruationibus cœ-
 lestibus, itinerarijs, impressis, scriptisque tabulis fieri potuit, vnde & loca omnia, quæ iuxta extre-
 mos cuiusque tabulæ limbos vicinis tabulis repetuntur, eodem vtrobique se modo habent in
 longitudine, latitudine, & distantijs, vt ex vna tabula in aliam transitus & itinera non minus ag-
 nosci &

D E D I C A T O R I A.

noſei & perſpici poſſint, quàm ſi vna vtriuſque deſcriptionis eſſet continua tabula. Hoc tantùm eſt differentia, quod frequenter non ad eandem graduum cœleſtium magnitudinem ſunt comparatæ tabulæ, proinde maior in vna, quàm in altera, fit vnus miliarij capacitas, ad quam circinus contrahendus extendusve eſt, cum iter ex vna in alterius locum aliquem proſequimur. Quemadmodum autem primam Coſmographiæ editionem, in primo Geographiæ Tomo, Ptolomæi inquam, tabulis factam Illuſtriſſimo parēti tuo, domino meo clementiſſimo dedicaui, ita æquū eſt, proximam hanc euulgationis partē Illuſtriſſimo nomini tuo ſacram facere, quo patri & filio pariter, Illuſtriſſimis Clementiſſimiſque dominis meis, & quidem naturalibus, vt ſub quorum tutela, in terra Iuliacenſi, & parentibus Iuliacenſibus conceptus, primisque annis educatus, licet in Flandria natus ſum, iuſtæ reuerentiæ, obediētiæ, & gratitudinis pro beneficijs, quibus Illuſtriſſimus parens tuus me cumulauit, teſtimonium palam reddam, & cognoſcant poſteri veſtram erga ſtudioſos, qui Reipublicæ prodeſſe laborant, benignam clementiam, & beneficentiā, ad quam in futurum celebrandam pro mea virili hæctenus ea meditando quæ Reipub. vtilia & grata perpetuò eſſe poſſint enitor, & laborabo quoad vixero. Hiſergo nunc inceptæ nouæ Geographiæ partibus ILLVSTRISſIME PRINCEPS & ſtudioſorum artiumque bonarum amantiſſime, patrocinare precor & tanquam reliquorum prælibamento fruere, donec totum exurgat Coſmographiæ opus in ordinem ſuum redactum, quod Illuſtriſſimo parenti tuo in æternam beneficiorum & patrociniij memoriam, pariterque æterno Tuo nomini ab initio deſtinatum eſt, cuius complementum feliciter vt finiam, ILLVSTRISſIMIſque PRINCIPES, domini mei Clementiſſimi in proſpera valetudine cum voluptate, vt citius fieri poterit, videant, Deum Optimum Maximum obnixè precor.

Duysburgi menſe Auguſto, Anno

1 5 8 5.

Illuſtriſſima Celsi. T.

ſubdiſſimus Cliens

Gerardus Mercator Coſmographus.